

# **UDALTZABARRAREN AKORDIOA**

**2017-12-05**



## ZIURTAGIRIA

### AMAIA GORROTXATEGI ZUBIZARRETA ANDREA, ARRASATEKO UDAL AGURGARRIKO IDAZKARIA

#### NEUK ZIURTATUA:

Udal Plenoak, 2017ko abenduaren 5an egindako bilkuran, besteak beste, honako akordioa hartu zuen:

#### “PROPOSAMENA EGITEA 2018. URTEALDIKO AURREKONTUAK ONARTZEKO. (2017DPRE0001)

Udal Plenoak, Udal Korporazioara osatzen duten 21 zinegotzietatik bilkuran 21 bertaratu direnak, EAJ-PNV (8) eta PSE-EE (3) udal taldeetako zinegotzien aldeko botoekin eta EH-BILDU (7), BALEIKE (2) eta IRABAZI (1) udal taldeko zinegotzien aurkako botoekin, Ogasun, Diruzaintza eta Ondare Batzordearen ondoko diktamena onetsi eta akordio mailara jasotzen du:

Alkateak aurkeztutako 2018 ekitaldirako aurrekontuen proiektua aztertu eta eztabaidatze prozesua burutu eta gero, hasiera batean, informazio batzorde bakoitzari dagozkion kontusailak eta gorabehera nagusiak batzordeetan azalpenak emanda, eta, gero, Ogasun, Diruzaintza eta Ondare batzordean jorratutako prozesuarekin, aipatu proiektua diktaminatu behar da udaleko osoko bilkuran onartzeko.

Gastu atalari dagokionez, proiektu horrek oinarria du udal sailek egindako eskaeretan eta, sarrerei dagokienez, udalak hartutako erabakietan gehi beste administrazioetatik jasotako informazioetan.

Hartarako emandako epean, EH BILDU, BALEIKE eta IRABAZI udal taldeek hainbat emendakin eta zuzenketa aurkeztu dituzte. Zuzenketa horiek gobernu taldeak aztertu ditu eta batzordean soilik bi (jaietako kontusailaren dotazioa gehitzea eta Zubillaga hiltegiko inbertsioetarako ekarpenak handitzea) bozkatu eta onartu dira eta, horren ondorioz, gastu gehikuntza hori koadratzeko mailegu kopuruaren baliabidea (teorikoa) erabilita, txertatu dira aurrekontu proiektuan.

Gainontzeko emendakinekin, gobernu taldearen aldetik beste negoziazio/azalpen saiakera bat dagoenez oraindik egiteko, oposizioko udal taldeek kontsideratu dute, egoera horretan egonda, ez zuela merezi bozkatzeko eta, horren ondorioz, erabaki da, behin eskaintako negoziazio prozesu hori bete eta gero, udal talde politiko bakoitzak erabakiko duela ze emendakin mantentzen duen udaleko osoko bilkurarako.

Beraz, batzordean onartutako aldaketa bi horiek txertatu eta gero, Ogasun, Diruzaintza eta Ondare batzordean aztertu da 2018 ekitaldirako aurrekontu proiektua, zenbateko hauekin:

2018KO EKITALDIRAKO AURREKONTU OROKORREN PROIEKTUÁk, jarri dena udalbatzarrak onartu dezan, hogeita hamabost milioi sei ehun eta berrogeita bederatzi mila eta zazpi ehun eta berrogeita hamazortzi euro eta hamazortzi zentimo euro (35.649.758,18 €), eta aurrekontu horretan sartuta daude UDALAREN BERAREN AURREKONTUA, hogeita hamabi milioi berrehun eta berrogeita zazpi mila eta berrogeita hamazortzi euro eta hamazortzi zentimo euro (32.247.058,18 €) eta ITURBIDE EGOITZA ERAKUNDE AUTONOMOAREN AURREKONTUA, hiru milioi eta laurehun eta berrogeita bi mila eta sei ehun eta hogeita lau euro eta hogeita zortzi zentimo euro (3.442.624,28 €).

Aipatutako proiektua (kontu sailak, exekuzio arauak eta konpromiso kredituen eranskinak barne) aztertu eta gero, Ogasun, Diruzaintza eta Ondare batzordean bozkatu da. Botazioaren emaitzaren arabera, Ogasun batzordeak, EAJ-PNVko bi ordezkarien eta PSE-EEeko ordezkariaren aldeko botoekin, EH BILDU eta BALEIKE udal taldeen ordezkarien abstentzioarekin eta IRABAZI udal taldeko ordezkariaren kontrako botoarekin, proiektuari aldeko txostena ematen dio, eta osoko bilkurari proposatzen dio akordio hau hartzea:

1.- Hasiera batean onartzea 2018ko ekitaldiko aurrekontu orokorra. Barne hartzen ditu UDALAREN beraren AURREKONTUA eta ITURBIDE EGOITZA ERAKUNDE AUTONOMOAREN AURREKONTUA, aurrekontu bakoitzaren exekuzio arauekin batera, eta udalaren beraren aurrekontuaren konpromiso kredituen eranskina ere bai.

2.- Espedientea jende aurrean erakustea, interesdunek aztertu dezaten eta bidezkoztat jotako erreklamazioak aurkeztu ditzaten, 15 egun balioduneko epean, jende aurrean erakusteko, iragarkia argitaratzen denetik Gipuzkoako Aldizkari Ofizialean.

3.- Espedientea behin betiko onartzea, jende aurrean erakusteko, aldi horretan erreklamaziorik jaso ezean aurrekontuaren aurka.

Eta honela jasota gera dadin eta ondorio egokiak sor ditzan, ziurtagiri hau luzatu eta sinatzen dut, Alkateak agindu eta ontzat emanik, Arrasaten, 2017ko abenduaren 12a.

O.E.  
ALKATEA

